




Ազդարարության Trumpet's Sound Փոռի

48-րդ ՏՍԴԻ, ԱԿԱՏԵՐԱԼԻՒՄ
Մայիսի 27-ը - Պետքեմբեր 2017





Հայ Ավելարանական Եղբայրների Եկեղեցի ARMENIAN EVANGELICAL BRETHREN CHURCH

BI MONTHLY CHRISTIAN PUBLICATION
PUBLISHED BY THE
ARMENIAN EVANGELICAL BRETHREN CHURCH
112 SAILORS BAY ROAD, NORTHRIDGE,
NSW 2063 Australia

PASTOR HRATSH KIUJIAN
ARMENIAN EVANGELICAL BRETHREN CHURCH
PO BOX 1593, CHATSWOOD NSW 2057
email: pastor@armenianbrethren.org
URL: www.acmaust.org

«ԱԶԴԱՌԱՐՈՒԹՅԱՆ ՓՈՂ» երկամսյա թերքը Սիդնեյի Հայ Ավելարանական Եղբայրների Եկեղեցու հրատարակություն է: Պատասխանատու խմբագիր՝ հովիվ Հրաչ Գոյուճյան:

Այս թերքը անվճար բաժանվում է հայրենիքում: Ցանկացողները կարող են դիմել նշված հասցեն:

ԲՈՎԱՆԴԱԿՈՒԹՅՈՒՆ

«Որովհետև այսօր ձեզ համար...»	Հովիվ՝ Հրաչ Գոյուճյան
Արդյոք աճն՝ ես (1)	Ռեքս Տիրլավ
Բարի՞ գործեր.	Հովիվ՝ Հովսեփ Հովսեփյան
Հրեշտակները և հովիվները	Դնն Սթորմը
Հնազանդության դասը.	Քաղված
Հովհաննեսի նամակները (1)	QMBC պանորամա
Փոփոխվող աշխարհ.	Դոկտ. Չելլո Բասսարա
Մեծ խորհուրդը.	Հովիվ՝ Հապիկ Ալաճաճի
Տերն իմ Հովիվն է.	Հովիվ՝ Սամուել Տոքքորյան
Վարպետ ժամագործը	Քաղված
Քրիստոնյաներին համայն աշխարհի	Հովիվ՝ Գառնիկ Աբրեյան

«Որովհետև այսօր ձեզ համար Փրկիչ ծնվեց Դավթի քաղաքում, որը՝ Քրիստոս Տերն է»:

Նուկաս 2:11

Ղարձյալ սուրբծննդյան շրջանն է: Աշխարհը նշում է Սուրբ Ծնննի դր տարբեր ձևերով ու գոյներով՝ եղևնիներ, լույսեր, հրուշակեղեններ, արձակուրդ, գնումներ, կերակուրներ, Զմեռ պապ...: Տննակատարության իրական պատճառը մոտավորապես 2000 տարի առաջ տեղի ունեցած մանկան ծնունդն է. Աստված մանուկի կերպարանք առավ և մսուրի մեջ դրվեց: Սա սովորական պատմություն չէ, այլ ԱՍՏԾՈ հրաշքը:

Երբեմն այս հարցը տվե՞լ ես. «Ինչո՞ւ,Տե՛ր»: Ինչո՞ւ Աստված մանուկի կերպարանք առավ, ինչո՞ւ իր քազավորությունը բողնելով աշխարհ եկավ, ինչո՞ւ չարչարվեց ու մահացավ: Պատասխանը պարզ է. աշխարհը Փրկչի կարիք ուներ, և Տեր Հիսուսը եկավ՝ փրկելու համար: Նրա միակ նպատակը մարդկությունը փրկելն էր, քեզ և ինձ փրկելն էր, քայլ ինչի՞ց պիտի փրկեր: «Քանի որ բոլորը մեղանչեցին և Աստծո փառքից զրկվեցին»: Բոլորս կարիք ունենք մեր մեղքելից ու մեղավոր բնությունից ազատազրկելու, քանի որ հանցավոր ենք Նրա Օրենքը խախտելու մեջ: Մեզանից ոչ ոք չի կարողանա Նրա առջև կանգնել ու ասել. «Ես մեղք չգործեցի»: «Որովհետև մեղքի վարձը մահ է», քայլ Քրիստոսը խաչի վրա վճարեց զինը: «Հետևաբար, հիմա դատավարություն չկա նրանց համար, ովքեր Հիսուս Քրիստոսի մեջ են...»:

Սուրբ Ծնննի նշանակում է, որ Քրիստոսը ծնվեց: Քրիստոսը ծընվեց նշանակում է Փրկիչ տրվեց: Դու Փրկչի կարիք ունե՞ս. Եկ Հիսուսին, քանի որ փրկության դուռը դեռևս քաց է քեզ համար: Հիսուսը տակավին փրկում է և ներում բոլոր նրանց, ովքեր գալիս են Իրեն: Այս սուրբծննդյան տոնին արդյոք կգա՞ս Հիսուսին:

Այս, մենք շարունակելու ենք տոնել Սուրբ Ծնննի մինչև Նրա փառավոր գալուստը. քանի որ ավելի մեծ ուրախություն չկա, քան իմանալը, որ մեր մեղքերը ներված են:

Արդյոք աճո՞ւմ ես (1)

Բ Պետրոս 1:1-15

Այս հատվածի խոսքերը ծեր մարդու արտաքերած խոսքեր են, ով գիտի, որ շուտով մահանալու է: Ի՞նչը կարող էր այդքան կարելի նյութ հանդիսանալ Պետրոսի համար, ով Սուրբ Հոգու օգնությամբ պատրաստվում էր խոսք ներկայացնել իր ընթերցողների ու շաղությանը: Պետրոսի համար եզրափակիչ մի պատգամ կար, որը, հուսով էր, որ իշխելու էր, նույնիսկ իր մասից հետո: Պետրոսը կարող էր իր կյանքի վրա անդրադարձ կատարել՝ որպես Գալիլիա ծովում աշխատող համառ ձկնորսի:

- Գալիլիա ծովի ափին իր առաջին հանդիպումը Հիսուսի հետ:
- Այդ փորձորկի վախը:
- Այլակերպության հիմնալի իրաշքը:
- Գիշերը, երբ ուրացավ Հիսուսին և իր մասին սարսափելի բացահայտում արեց՝ պարզելով, որ այնքան էլ ուժեղ չէ, որքան կարծում էր:
- Վաղ առավոտը, երբ Հովհաննեսից առաջ անցնելով՝ հասավ դատարկ գերեզման:
- Պենտեկոստի հիմնալի օրը, երբ քարոզեց և տեսավ, թե ինչպես հազարավոր մարդիկ Քրիստոսին եկան:
- Վաղ եկեղեցու տարածումը:

Աստծո հետ քայլելու իր կյանքի ընթացքում իր տեսած ու փորձառած բոլոր բաներից առավել ի՞նչն էր ընտրելու որպես ամենակարեվոր և վերջնական պատգամ: Այստեղ Պետրոսը հոգևոր աճի մասին է խոսում: Հոգևոր աճը ինչ-որ կերպով նման է ֆիզիկական աճին:

Երբեմն նկատե՞լ եք, թե փոքրիկները որքան են փափագում շուտ մեծանալ: Երբ փոքր էի, ինձ թվում էր, թե մեծանալը խոր փոփոխությունների, նոր ազատության և իշխանության դրու է, որի մասին կարող էի միայն երազել: Պետրոսը ճիշտ այդպես է ուզում, որ մենք գնա-

հատեմք հոգևոր աճը: Այն խոր փոփոխությունների, նոր ազատության և իշխանության դրու է: Հոգևոր աճը մեզ ասում է. «Կա ավելին և այն ավելի լավ է»: Հսկայական տարբերություն կա Աստծո մասին իմանալու և Աստծուն ճանաչելու միջև: Ինչ-որ մեկը գալիս է և մեզ պատմում է Աստծո մասին: Այսպիսով, մենք իմանում ենք Աստծո մասին: Սակայն իրականության մեջ Աստծուն ճանաչում ենք այն ժամանակ, երբ մեր ունեցած այդ գիտելիքի հիման վրա սկսում ենք դրականորեն արձագանքել: Առաջին համարում ապացույց կա, որ Պետրոսն Աստծուն ճանաչելու շնորհիվ մեծապես փոխվել է: Նա ասում է, որ հավատքը պատվական է:

Սա անհավատալի փոփոխություն է Պետրոսի կյանքում: Նա իր կյանքը սկսել էր որպես ազգայնական: Մանկությունից ի վեր սովորել էր, որ իրեաներն ավելի բարձր են, քան մյուս մարդիկ և թե իրականում միակ ցեղն են, որով Աստված շատ հետաքրքրված է: Քրիստոսի ժամանակ սովորաբար ընդունված էր, որ ուսքին ժողովրդին սովորեցներ, որ եթե պատր մարդկանց վրա փլվի, ապա պետք է այնքան փլատակ հեռացնել, որ հնարավոր լինի պարզել՝ արդյոք տուժածները հրեա[”] են, թե[”] ոչ: Եթե հրեա չէին, կարելի էր նրանց այնտեղ թողնել:

Նույնիսկ Պեճատեկոստեի օրը՝ Սուրբ Հոգով լցվելուց հետո, Պետրոսը դժվարությամբ էր ընդունում այն միտքը, որ Աստված կարող է սիրել և փրկել հեթանոսին: Գործք Առաքելոց գրքում Աստված Պետրոսին հատուկ տեսիլք տվեց՝ ցույց տալու, որ Նա հեթանոսներին նույնապես սիրում է: Պետրոսը չէր ուզում Ավետարանը քարոզել նրանց: Իր նախապաշտումների պատճառով Պետրոսի համար նույնիսկ դժվար էր ճաշել հեթանոս քրիստոնյաների հետ: Սի անգամ նա ստիպված էր այդպես անել, սակայն միայն այն ժամանակ, երբ վստահ էր, որ շուրջը հրեաներ չկային: Պողոսը խստորեն հանդիմանեց նրան. սրա մասին կարդում ենք Գաղ. 2:11-ում: Բայց տեսեք, թե Պետրոսն ինչպես աճեց: Նույնիսկ հեթանոսներին ասաց. «Զեր հավատքը նույնքան պատվական է, որքան իմք»:

Աճն ընդգրկում է իմանական փոփոխություն ոչ միայն մեր վարքագրում, այլև ամենախոր մակարդակով մեր բարդությների ու նախապաշտումների մեջ: Նման փոփոխությունը ակնհայտ է դառնում ի-

իական հոգևոր աճի շնորհիվ, որը գալիս է Քրիստոսին ճշմարտապես ճանաչելու միջոցով։ Ի՞նչն է հանդիսանում նման աճի պատճառը։ «Իր աստվածային զորության համաձայն մեզ պարզեց այն ամենը, ինչ անհրաժեշտ է կյանքին ու աստվածապաշտությանը՝ Նրան զիտենալու միջոցով, որ մեզ կանչել է փառքի ու առաքինության. որոնցով մեզ են տրված ամենամեծ ու բանկազին խոստումները» (3-4-րդ համար)։ Աստված արդեն տվել է մեզ այն ամենը, ինչի կարիքն ունենք Իրեն ավելի նմանվելու համար։ Աստված մեզ զորություն է պարզեց աճելու համար, որպեսզի հաղորդակից լինենք աստվածային բնույթին և փախչենք ապականությունից։

Այստեղ է, որ հոգևոր աճը տարբերվում է ֆիզիկական աճից։ Յուրաքանչյուր անձ, ով ապրում է որոշակի տարիներ, մանկությունից մինչև հասունություն աճի փորձառություն է ունենում։ Սի՛ խարվե՛ մտածելով, թե պարզապես որոշակի տարիներ ապրելն օգնում է ձեզ հոգևորապես աճելու։ Հնարավոր է՝ ֆիզիկապես ծեր լինել, բայց հոգևորապես դեռևս մանուկ մնալ։ Պետքուր, ծեր մարդ լինելով, դեռևս խոսում էր աճելու և սովորելու մասին։ Աճելը և սովորելը ծեր ներքին կյանքը երիտասարդ պահելու գրավականն են։ Ծեր մարդու իմ սահմանումը ոչ թե շատ տարիներ ապրող անձն է, այլ այն անձը, ով դադարել է աճելուց և սովորելուց։ Ցավալի է այն քրիստոնյայի վիճակը, ով աճելու ձգություն չունի, ով ապրում է անցյալի օրինություններով առանց ակնկալելու ապագայի որևէ օրինություն։

Ուրս Տիրլավ
Քաղված՝ «Խսկապե՞ս Աստված բարի է» գրքից
(Ըարունակելի)

«Դեպի Քեզ եմ բարձրացնում աչքերս, ո՛վ երկնքում Բնակվող։ Ահա, ինչպես ծառաների աչքերն են նայում իրենց տիրոջ ձեռքին, ու ինչպես աղախնու աչքերը՝ տիրուհու ձեռքին, այնպես էլ մեր աչքերը Տիրոջը՝ մեր Աստծուն են նայելու՝ մինչեւ մեզ ողորմի»։

ՍԱՂՄՈՍ 123:1-2

Բարի՞ գործեր

Հակոբոս 2:14-26, Տիտոս 3

Փրկություն ստանալու, Աստծուն հաճեցնելու մեթոդի և զնի հետ կապված հարցերը դարձել են վիճահարույց և սխալ ընկալվող թեմաներ. մենք փրկվում ենք մեր բարի գործերով՝ թե՝ Աստծո շնորհով: Կան մարդիկ, ովքեր հավատում և ուսուցանում են, որ միայն բարի գործերով է հնարավոր փրկվել ու խաղաղություն գտնել: Ոմանք էլ հավատում և ստվարենում են, որ փրկությունը միայն Աստծո շնորհով է, և բարի գործերը դրա հետ կապ չունեն: Չատ կրոնական խրմբեր թե՛ քրիստոնեական աշխարհի ներսում, թե՛ դրասում, սխալ են հասկանում կամ անտեսում են Աստծո շնորհը: Ա Պետ. 5.10-ում Պողոսն ասում է. «Քոլոր շնորհների Աստվածը»:

Նրանք հարում են այն գաղափարին, որ մարդը կարող է արդարանալ ու փրկվել միայն բարի գործերով, այսինքն՝ զին վճարելով: Այլ կերպ ասած՝ դա նույնն է, ինչ սրտի հիվանդություն ունեցող մարդը սրտի փոխապատվաստման համար վեր կենա և հնարավորինս լավ աշխատի: Կան մարդիկ, ովքեր գիտակցելով, որ հնարավոր չէ միայն գործերով արդարանալ, ընդունել են, որ փրկությունը հնարավոր է միայն հավատով՝ Աստծո շնորհն ընդունելով:

«Որովհետև շնորհով եք փրկված՝ հավատքի ձեռքով, և սա ոչ թե ձեզ զանից է, այլ Աստծո պարզեն է, ոչ թե գործերից, որ ոչ մեկը չպարծենա» (Եփես. 2.8-9):

Այս երկրորդ խմբին պատկանող մարդիկ ի՞նչ վերաբերմունք ունեն բարի գործերի մասին: Նրանք մյուս ծայրահեղության մեջ են ընկել: Նրանք ասում են, որ գործերը ոչ մի կապ չունեն փրկության հետ:

Ինձ հաճախ են հարցել. «Ի՞նչ կասեք գործերի մասին, չե՞ք կարծում, որ քրիստոնյաները պետք է բարի գործեր կատարեն»: Պատասխանս միշտ շատ որոշակի է եղել. «Այո՛, մենք պետք է բարի գործեր կատարենք»: Հակոբոսի և Տիտոսի (2-րդ և 3-րդ գլուխներ) ուղերձների հիմնական շեշտադրումը բարի գործերն են, բայց ոչ որպես փրկության միջոց:

Քանի որ մենք փրկվում ենք Աստծո ողորմությամբ (Տիտ. 3:5) և արդարանում Նրա շնորհով (Տիտ. 3:7), ուստի պարտավոր ենք «քարի գործերի մեջ նախանձախնդիր» լինել (Տիտ. 2:14), «քարի գործերի մեջ հավատարիս լինել» (Ա Տիմ. 3:8,14), «քարի գործերի մեջ հարստանալ» (Ա Տիմ. 6:8), «ամեն քարի գործի մեջ պտղաբեր լինել» (Կող. 1:10) և «ամեն քարի գործի համար» (Բ Տիմ. 2:21), «մեկը մյուսին բարեգործության մղել» (Եբր. 10:24):

Շնորհով փրկվելը և հետո քարի գործեր չանելը նման է այն մարդուն, որի սիրութ պատվաստում են, բայց հետո նա մեռած մարդու է նման:

«Զեր վարքը հեթանոսների մեջ քարի պահեցեք, որ ինչ քանով որ ձեզ չարագործեների պես բամբասում են, ձեր քարի գործերը տեսնելով՝ փառավորեն Աստծուն այցելության օրում» (Ա Պետ. 2:12):

«Այսպես լուսավորի ձեր լույսը մարդկանց առաջ, որ ձեր քարի գործերը տեսնեն և փառավորեն ձեր Հորը, որ Երկնքում է» (Մատթ. 5:16):

Հովիվ՝ Հովսեփ Հովսեփյան
Քաղված՝ «Աստծո արհեստանոցը» գրքից

«Լսի՛ր իմ աղաղակը, ո՛վ Աստված, ուշադրությո՛ւն դարձրու իմ աղոթքին: Երկրի ծայրից քեզ եմ կանչելու, երբ սիրուս ընկճված է. առաջնորդի՛ր ինձ դեպի այն վեմը, որ ինձնից բարձր է: Քանի որ Դու ինձ ապաստան եղար, մի ամուր աշտարակ՝ թշնամու դեմ: Ես Քո խորանի մեջ եմ բնակվելու հավիտյան. Քո թեւերի ծածկույթի տակ եմ պատսպարվելու: (Սեղա) Քանի որ դու, Ո՛վ Աստված, լսեցիր իմ ուխտերը, Քո անունից վախեցողների ժառանգությունն ինձ տվիր: Դու երկարացնելու ես թագավորի կյանքը. նրա տարիները՝ սերնդե սերունդ: Նա հավիտյան Աստծո առջեւ է լինելու. օ՛, ողորմություն ու ճշմարտություն պատրաստիր, որ պահպանեն նրան: Այսպես փառարանություն եմ երգելու Քո անվանը հավիտյան,
որպեսզի ամեն օր ուխտերս կատարեմ»:

Հրեշտակները և հովիվները

Դուկաս 2:8-21

Յխուսի ծնունդը տեղի ունեցավ ոչ միայն շատ համեստ հանգամանքներում, այլև Նրա՝ որպես փրկող Թագավորի ծնունդի մասին հայտարարությունը բոլորովին տարբերվում էր մեր ակնկալածից: Նրա ծննդյան հայտարարությունն ուղղված էր հովիվներին, ոչ թե կառավարական, կրոնական և հասարակական առաջնորդներին:

Ի՞նչն է այս ամենի նշանակությունը: Ժամանակակից հույայականության մեջ հովիվները հասարակության ամենահետին տեղը զբաղեցնող մարդկանցից էին: Հետին խավի առաջին հորիզոնականում մաքսավորներն էին, իետո անբարոները (քաղաքավարի ասած՝ «մեղավորները»), իսկ հովիվները երրորդ հորիզոնականի վրա էին զբանըրվում: Նրանց բոյլ չէին տալիս տաճար մտնել, հավանաբար իրենց հոտի պատճառով, որ ունեին աշխատանքի բերմանք: Այնուամենայնիվ, Տեր Հիսուսը, ով ապագայում նույնպես պիտի արհամարհվեր ու մերժվեր հասարակության կողմից, աշխարհ եկավ արհամարհված մարդկանց համար: Սա իիշեցնում է Մարիամի երգի ճշմարտությունը. «Սովածներին բարիքներով լիացրեց, իսկ հարուստներին՝ ձեռնունայն ճանապարհեց»: Աշխարհայինները մարդկանց արժմուրելու իրենց դասակարգերն ունեն, սակայն Աստված չի հավանում հպարտներին, ովքեր չեն խոնարհվում իր առջև:

Զարարիան և Մարիամը սարսափեցին կամ անհանգատացան, երբ տեսան իրեշտակին: Նույնը զգացին հովիվները: Կարող ենք պատկերացնել նրանց զարհութանքը, երբ գիշերային երկինքը լուսավորվեց, և իրեշտակը կանգնեց նրանց առջև: Ինչւէ, իրեշտակն ուներ քաջալիանքի նույն պատգամը. «Մի՛ վախեցեք»: Պատճառն այն էր, որ այդ օրը Դավթի քաղաքում Փրկիչն էր ծնվել:

Որո՞նք են հովիվներին ուղղված հրեշտակի պատգամի կարևոր կետերը: Առաջին՝ նրա պատգամը բարի լուր էր կամ Ավետարան. Փրկիչ ծնվեց, ով Քրիստոս Տերն է: Հրեշտակը երեք ճշմարտություն ընդգծեց. Վորքիկը Փրկիչն է. Նա մարդկանց պիտի փրկի իրենց մեղքերից, Նա

Քրիստոսն է կամ խոստացյալ Մեսիան՝ Աստծո Օծյալը, Նա Տեր է, Աստված է:

Երբ հրեշտակն իր պատգամն ավարտեց, հրեշտակների մեծ բազմություն միացավ նրան՝ Աստծուն փառավորելու համար: «Բարձունք-ներում Աստծուն փառք և երկրի վրա խաղաղություն, մարդկանց մեջ՝ հաճություն»: Ժամանակակից որոշ բարգմանություններ առաջարկում են, որ այս հատվածն այսպես գրվի. «Մարդկանց մեջ հաճություն, որոնց վրա Նրա բարեհաճությունն է հանգչում»: Այնուամենայնիվ, իին բառերը պահպանելու լավ պատճառ կա: Քրիստոսի գալուստը միջոց էր, որով Աստծո բարեհաճությունը հանգչելու էր նրանց վրա, ովքեր կընտրեին այս Փրկչին հավատալը: Մի օր երկրի վրա խաղաղություն է լինելու, և բարձունքներում փառք է տրվելու Աստծուն:

Հովիվներն իմացան նաև Նրա ծնունդի համեստ հանգամանքները: Արդյոք նրանք զարմացա՞ն իրենց տրված հայտարարության կապակցությամբ: Երբ ասվեց, թե Նրան մսուրում կգտնեն, արդյոք նրանք հարցրի՞ն, թե ինչո՞ւ է Նա ախոռում ծննվել: Ինչո՞ւ Քրիստոսը շծնվեց հասարակության ավելի քարձր խավում: Մենք կարող ենք հարցնել՝ արդյոք Հիսուսի համար ավելի լա՞վ կլիներ, եթե Նա պալատում ծրնվեր: Ո՛չ: Ախոռում ծննվելը մատնանշում է Հիսուս Քրիստոսի կատարած քայլի մեծությունը: Նա, ով հարուստ էր, աղքատացավ: Քանի որ Նա այսքան աղքատացավ, ուստի հասկանում է մարդկության բոլոր կարիքներն ու հանգամանքները և կարող է հոգալ բոլորի մասին:

Հրեշտակի պատգամը լսելուց հետո հովիվները որոշեցին Բերլեհեն գնալ: Հրեշտակը խոսել էր Դավթի քաղաքի մասին, ոչ թե Բերլեհենի: Սական հովիվներին կարիք չկար ասելու, որ այդ քաղաքը Բերլեհենն է:

Հովիվները մանուկին տեսան և երկու քան արեցին: Առաջին՝ նրանք տարածեցին իրենց լսած և տեսած պատմությունը: Երկրորդ՝ նրանք Աստծուն փառք տվեցին իրենց լսածի և տեսածի համար, որովհետև այն, ինչ տեղի ունեցավ, ճիշտ այն էր, ինչ հրեշտակն ասել էր իրենց:

Մեզ կարող է հետաքրքրել, թե արդյո՞ք մարդիկ նրանց պատմածներին ուշադրություն դարձրին. չէ՞ որ հովիվներն ընկերների նեղ շրջա-

նակ ունեին: Այնուամենայնիվ, նրանք կարողացան շատերին պատմել լուրը, և մարդիկ, հովիվների պատմածները լսելով, շատ զարմացան:

Հարցը, որ պետք է ինքներս մեզ տանք, հետևյալն է՝ «Աստված ո՞ւմ հետ է խոսում»: Մենք պետք է գիտակցենք, որ Աստված չի գործում այս օրերի հասարակական արժեհամակարգի համաձայն: Հովիվներն արհամարհված էին տաճարի առաջնորդների կողմից, բայց նրանք ստացան Փրկչի գալուստի պատգամը: Նա, անշուշտ, իր Անձը շհայտնեց այդ օրերի կրոնական և քաղաքական առաջնորդներին: Այսօր էլ նույնն է: Ովքեր արտով խոնարի են, Փրկիչը նրանց հայտնում է խաղաղության և քարեհաճության իր պատգամը:

Մենք պատրա՞ստ ենք Աստծո ձայնը լսելու: Նախ՝ պետք է Աստծո առաջ գիտակցենք մեր ոչնչությունը, հետո հասկանանք, որ Աստված խոսում է խոնարհների հետ: Նա իր Խոսքն ուղղում է նրանց, ովքեր փափագում են լսել Իրեն:

Դոն Սքորմը

Հնագանդության դասը

Մի մարդ քնած էր, երբ հանկարծ լույս ծագեց սենյակում, և Աստված հայտնվեց: Տերը մարդուն ասաց, որ նրա համար գործ ունի, և ցույց տվեց տան առջև գտնվող մեծ ժայռը: Տերը բացատրեց, որ ուզում է՝ մարդը ժայռը հրի իր ամբողջ ուժով:

Ուստի մարդը ամեն օր դա էր անում: Տարիներ աշխատեց արևածագից մինչև երեկո՝ ուսերը ամուր զանգվածին տված՝ ամբողջ ուժով հրում էր անշարժ ժայռը:

Ամեն գիշեր մարդը ուժասպառ տուն էր վերադառնում ցավերով և զգում էր, որ օրը իզուր էր անցել: Մինչ նա հուսահատության նշաններ էր ցույց տալիս, սատանան սկսեց կասկածներ դնել նրա հոգինած մտքի մեջ. սա հակառակորդի լավագույն գործելակերպն է. «Երկար ժամանակ է, ինչ հրում ես այս ժայռը, և այն տեղից չի շարժվում:

Ինչո՞ւ ես ինքդ քեզ շարչարում դրա համար: Սա քո գործը չէ. մի քիչ հրի՛ր և բավականացի՛ր»:

Հոգնած մարդը որոշեց այդպես անել, սակայն նախ ուզեց իր ծանրացած խորհուրդները աղոթքով Աստծուն հայտնել:

- Տե՛ր իմ, - ասաց նա, - երկար ժամանակ է, ինչ ամրող ուժով աշխատում եմ Քո՝ ինձ ասած գործն անել, սակայն մինչև հիմա ոչ մի սանտիմետրով ժայռը չի շարժվել: Ո՞րն է սխալը, ինչո՞ւ եմ ձախողվում:

Տերը կարեկցությամբ պատասխանեց.

- Որդի՛ս, երբ քեզ առաջարկեցի, որ Ինձ ծառայես, դու ընդունեցիր: Քեզ ասացի, որ քո գործն է ամրող ուժով ժայռը հրելը, և այդպես արեցիր: Երբեք քեզ չեմ հանձնարարել, որ վերցնես այն: Քո գործը հրելն էր: Հիմա ուժասպան Ինձ մոտ ես եկել և կարծում ես, թե ձախողվել ես: Բայց այդպես չէ: Նայի՛ր ինքդ քեզ: Բազուկներդ գորացել են մկաններով, կռնակդ փայլուն է և ողորկ, ձեռքերդ հարատև ճնշումից կոշտացել են, իսկ սրունքներդ գորացել են և պնդացել: Դիմադրությամբ դու շատ մեծացար, և կարողություններդ գերազանցեցին նախկինում ունեցածիդ: Ծիշտ է՝ ժայռը շարժեցիր, բայց քո կոչումը հնազանդ լինել և հրել էր՝ հավատք գործածելով և Իմ իմաստությանը վստահելով: Դա արեցիր, որդի՛ս, հիմա ես եմ ժայռը վերցնելու:

Հաճախ երբ Աստված մեզ բան է ասում, որ անենք, փորձում ենք մեր տրամաբանությամբ բացատրել այն, մինչդեռ Աստծո ուզածը պարզ հնազանդություն է և հավատք իր հանդեպ:

Ամեն գնով փորձենք լեռներ շարժող հավատք ունենալ, սակայն հստակ իմանանք, որ Աստված է դրանք շարժողը:

«Եթե նանանեխի հատիկի շափ հավատ ունենաք, այս լեռանը կասեր. «Տեղափոխվի՛ր այստեղից՝ այնտեղ». և այն կտեղափոխվի, և ոչինչ անհնարին չի լինի ձեզ համար» (Մատթ. 17:20):

Քաղված՝ ՈիթԱրամ Դավիթյանի
«Բարեպատուղ ձիթենին» գրքից

Հովհաննեսի նամակները (1)

1. ՆԵՐԱԾՈՒԹՅՈՒՆ

Հովհաննեսի երեք նամակները գրվել են Եբրայեցիներին ուղղված նամակից մոտավորապես քառա տարի անց, և դրանք համապատասխանաբար ուղղված էին Աստծո զավակներին, ընտրյալ տիկնոջն ու նրա որդիներին և Գայոսին: Հուղա և Բ Պետրոս նամակների նման Հովհաննեսը նույնպես գրեց քրիստոնյաներին կեղծ ուսուցիչներից նախազգուշացնելու նպատակով: Բայց կա մեկ այլ նպատակ, որի համար Հովհաննեսը գրեց իր առաջին նամակը. «Այս ամենը գրեցի ձեզ՝ Աստծո Որդու անվանը հավատացողներիդ, որպեսզի իմանաք, որ դուք հավիտենական կյանք ունեք, և որպեսզի հավատաք Աստծո Որդու անվանը» (Ա Հովհ. 5:13):

Հովհաննեսի երկրորդ և երրորդ նամակներն անձնական բնույթ են կրում, դրանք հասցեագրված են հատուկ անձանց: Հայտնի չեն, թե ով է ընտրյալ տիկինը, սակայն ընդհանուրի կողմից ընդունված է այն, որ Գայոսը նույն անձն է, որի մասին կարդում ենք Հոռմ. 16:23-ում և Ա Կորնթ. 1:14-ում: Երկու նամակներում էլ հիշատակվում են սերը, ճշշմարտությունը, խաղաղությունն ու ուրախությունն: Հովհաննեսի 2-րդ նամակը զգուշացնում է մոլորեցնողներից և հակաքրիստոնուց, մինչդեռ 3-րդ նամակը խոսում է Դեմետրեոսի մասին, որը սիրում էր առաջնորդությունը, իրաժարվում էր առաքյալների հետ հաղորդակցությունից և եղայրներին ընդունելուց՝ նրանց հեռացնելով եկեղեցուց:

2. Ա ՅՈՎԱՆՆԵՍ (մ.թ. 90)

Այս նամակում շատ քանի կա գրված ընդդեմ Գնոստիկների չար ուսմունքի: Գնոստիկները հակառակվում էին առաքյալներին և նրանց ուսմունքին: Մենք ավելի լավ կգնահատենք այս նամակը, եթե որոշ պատկերացում կազմենք Գնոստիկների ուսմունքի հիմնական կետերի մասին:

Այս չար ուսմունքը կարելի է ամփոփել հետևյալ կետերով.

1. Որոշ մարդիկ պնդում էին ճշմարտության վերաբերյալ հատուկ գիտելիքներ ունենալը: Սովորական քրիստոնյաները չունեին այս հատուկ գիտելիքները:
2. Նյութեղեն բոլոր բաները նկատվում էին որպես չարիք և դրա աղբյուրը:
3. Մարդու հոգին համարվում էր բարի, իսկ մարմինը՝ չարիք, քանի որ նյութեղեն է:
4. Հին կտակարանի՝ ստեղծագործության, մեղքի և մարդու վիճակին վերաբերող ուսմունքները խեղաքյուրված էին և համապատասխանեցված իրենց չար ուսմունքին:
5. Գնոստիկների ճյուղավորումներից մեկը մերժում էր այն փաստը, որ Հիսուսը նյութեղեն մարմին ուներ: Նրանք պնդում էին, որ թվում էր, թե Նա մարմին ուներ:
6. Գնոստիկների մեկ այլ ճյուղավորում ընդունում էր, որ Հիսուսը մարդ էր, որն Իր մկրտության ժամանակ ստացավ «Քրիստոսի զորություն»-ը, և այն Իր հետ մնաց մինչև Նրա դատապարտության պահը: Այսպիսով, ըստ իրենց՝ խաչի վրա մահացողը սովորական մարդ էր (հմմտ. Մատթ. 1:23, ԲԿորնթ. 5:19, Հովհ. 1:1, 14):
7. Գնոստիկները հավատում էին, որ կարող էին հասնել Աստծո մոտ իրենց սեփական գիտելիքներով (հմմտ. Հովհ. 14:6):

Գնոստիկների ամենավտանգավոր սխալը կենտրոնացած էր Տեր Հիսուսի աստվածության և մարդեղության վրա: Այսպիսով, իր առաջին նամակում, Հովհաննեսը շատ բան ունի ասելու այդ ճշմարտությունների վերաբերյալ: (Տե՛ս ԱՀովհ. 2:22, 4:2-3, 15 և 5:1, 5):

2.1 ՆԱԽԱԲԱՆ (1:1-4)

Հովհաննեսն իր խոսքը սկսում է՝ շեշտելով, որ ինքը և մյուս առաքյալներն անձամբ տեսան Տեր Հիսուսին, լսեցին և շոշափեցին Նրան: Դա տեղի է ունեցել այս նամակը գրելուց վարչուն տարի առաջ: Սակայն դրա հիշատակն իրական և վառ էր, նույնիսկ այդքան ժամանակ

անցնելուց հետո: Նա հայտարարում է, որ այս մարդը սկզբից էր, և Կենաց Բանն էր՝ Հոր Որդին՝ Հիսուս Քրիստոսը: Եվ Նա հավիտենական կյանքն էր, որը Հորից էր: Հովհաննեսն ուզում էր, որ իր ունկընդիրները նույն ուժեղ հավատն ունենան Հիսուսի հանդեպ, որ առաքյալներն ունեին և նրանց հետ կիսեցին այն հաղորդությունը, որ ունեցել էին Հոր և Նրա Որդու՝ Հիսուս Քրիստոսի հետ: Այսպիսով, նրանց ուրախությունը կատարյալ կինքի (Ա Հովհ. 1:1-4): Նման նախաբանը պետք է լուցներ չար ուսուցիչներին և ամրապնդեր քրիստոնյաների հավատը:

2.2 ԹԱՅԼԵԼ ԼՈՒՅՍԻ ՄԵԶ (1:5 – 2:17)

Հովհաննեսը ճշմարիտ հաղորդության հիմքը՝ Տեր Հիսուսի մասին ճիշտ ըմբռնումն ու գնահատումը հաստատելուց հետո մեզ տալիս է այդ հաղորդությունը պահպանելու պայմանները: «Աստված լույս է, ու Նրա մեջ ամեննին խավար չկա» (Ա Հովհ. 1:5): Սա մեզ ասում է, որ Աստված սուրբ է, արդար և մաքուր: Եթե քայլում ենք լույսի մեջ, մենք ունենք միմյանց հետ հաղորդակցություն: Եթե մեղք գործենք (քրիստոնյաներս ժամանակ առ ժամանակ մեղք գործում ենք), մեր հաղորդակցությունն Աստծոն և Նրա ժողովրդի հետ խափանվում է, քայց մենք կարող ենք վերականգնել այն՝ մեր մեղքերը Տիրոջը խոստովանելով, քանի որ Նրա արյունը մաքրում է մեզ բոլոր մեղքերից (Ա Հովհ. 1:7): Պետք է նշել, որ երբ անձն ապաշխարության և հավատի միջոցով քրիստոնյա է դառնում, նա միանգամից և ընդմիշտ ազատվում է իր մեղքերի պատժից, և նրան զորություն է տրվում հաղթանակի կյանք ապրելու Քրիստոսում: Սակայն եթե նա մեղք գործի, ապա խոստվանությամբ այդ հաղորդակցությունը կարող է վերականգնվել:

Այսուհետև սովորում ենք, որ եթե Աստծոն զավակներից որևէ մեկը մեղք գործի, Տեր Հիսուսն անձամբ խոսում է Հորը՝ ի պաշտպանություն մեզ, այսինքն՝ Նա աղերսում է մեզ համար կամ բարեխսում Հորը: Դա տեղի է ունենում այն պահին, երբ մեղք ենք գործում: Նրա նպատակն այն է, որ մեզ ապաշխարության և խոստվանության առաջնորդի, որպեսզի հաղորդակցությունը կարողանա վերականգնվել: Որքա՞ն սքանչելի է գիտակցել, որ Քրիստոսի քավշարար գոհարե-

բությունը Գողգոթայում ապահովում է մեր քողոր կարիքները և կշարունակի այդպես անել մինչև այս աշխարհի վերջը: Հովհաննեսն ավելացնում է՝ ասելով, որ Քրիստոսի զոհաբերությունը լիովին բավարար է ամբողջ աշխարհի մեղքերը քավելու համար: Այնքան մեծ է Նրա զոհաբերությունը: Իհարկե, միայն նրանք, ովքեր գալիս են Նրան ճշմարիտ ապաշխարությամբ և հավատով, կփրկվեն:

Ճշմարիտ քրիստոնյայի երկու նշանները հնագանդությունն ու սերն են: Քրիստոնյայի հնագանդության առնչությամբ Հովհաննեսը գրում է. «Եվ սրանով գիտենք, թե ճանաչում ենք Նրան (Տեր Հիսուսին), եթե պահենք Նրա պատվիրանները: Բայց ով պահում է Նրա Խոսքը, իսկապես նրա մեջ կատարյալ է Աստծո սերը. ու սրանով ենք իմանում, թե Նրա մեջ ենք» (Ա Հովհ. 2:3, 5): Քրիստոնյայի սիրո առնչությամբ Հովհաննեսը գրում է. «Նա, ով սիրում է իր եղբորը, լույսի մեջ է քննակվում, և նրա մեջ գայթակղության պատճառ չկա» (Ա Հովհ. 2:10): Գնոստիկները չեն հնագանդովում Տիրոջ պատվիրանին, և հստակ է, որ չեն սիրում առաջանաներին, ուստի Հովհաննեսը նրանց կոչում է ստախոսներ, ովքեր ճշմարտություն չունեն և դեռ խավարի մեջ են. «Իսկ նա, ով ատում է իր եղբորը, խավարի մեջ է և խավարի մեջ է քայլում ու չգիտի, թե որ է գնում, որովհետև այդ խավարը կուրացրել է նրա աչքերը» (Ա Հովհ. 2:11):

Հովհաննեսը գրում է Աստծո ժողովրդին (ներառելով հավատի մեջ շափահասներին և երիտասարդներին)՝ հիշեցնելով նրանց որոշ օրինականների մասին, որոնք ունեն Տիրոջով: Նրանց մեղքերը ներվել են, հայրերը ճանաչում են Նրան, ով սկզբից էր, և երիտասարդները հաղթել են չարին աստվածային զորությամբ և նրանց մեջ ապրող Աստծո Խոսքով (Ա Հովհ. 2:12-14):

(Ծարունակելի)

Translated from QMBC Panorama of the Bible Course with permission. QMBC Inc.

Թարգմանված է QMBC Աստվածաշնի պանորամա դասընթացի թույլտվությամբ:

QMBC Inc.

Փոփոխվող աշխարհ

Ախտրդ հարյուրամյակների ընթացքում բազում փոփոխություններ են տեղի ունեցել: Փոփոխությունն այնքան սրբնիք է, որ հազիվ հասցնում ենք աչք բարեկ, և փոփոխության հերթական ալիքն է հարվածում մեզ: Ամեն օր, քանչըս ժամ մարդիկ շարունակ գալիս ու գնում են: Փոփոխությունը մեր կյանքի մշտական ուղեկիցն է:

Վերջին 30 տարիների ընթացքում ավելի շատ ինֆորմացիա է առաջացել քան նախորդ 5,000 տարիների ընթացքում: Այսօր խանութիւններում 90%-ը գոյություն չուներ տաս տարի առաջ: Հաշվում է, որ քոլեզի շրջանավարտների 50%-ը ընդունվում է այնպիսի աշխատանքների, որ գոյություն չունեին նրանց ծնվելու ժամանակ:

Մի մարդ այսպես է ձևակերպել.

«Մեծ պապս ձի էր քշում, բայց վախենում էր գնացքից: Պապս գնացքով էր երթևեկում, բայց վախենում էր մեքենայից: Հայրս մեքենա էր վարում, բայց վախենում էր ինքնաթիղից: Ես ինքնաթիոն եմ նստում, բայց վախենում եմ ձիուց»:

Փոխհարաբերությունները փոխվում են: Ամուսնությունների 50%-ը այսօր ավարտվում է ամուսնալուծությամբ: Եվ հավանականություն կա, որ երբ զոյցը ոտք է դնում ամուսնական շեմին, նրանց ընտանիքը յոթ տարուց ավել չի տևի: Մեր հասարակությունը հեռացել է փոխհարաբերությունների Աստծո օրենքից:

Մեր անփոփոխ Աստված

Պետք է հիշենք, որ Աստված դեռ վերահսկում է և երբեք չի փոփոխվում: Աստված վերահսկում է: Նա երբեք չի շեղվում դեպքերի ընթացքից, երբեք չի շփոթվում, միշտ ճիշտ որոշում է կայացնում: Նա միշտ գիտի, թե ինչ է անելու, նոյնիսկ մինչև հանգամանքների ծագելը: Աշխարհի սանձերն Աստծո ձեռքերում են, և Նրա նպատակները կիրագործվեն:

Աստվածաշունչը խոսում է այս հարափոփոխ աշխարհում մեր անփոփոխ Աստծո մասին. «Որովհետև Ես Տերս, չեմ փոփոխվի» (Մահաքիա 3:6):

Մահաքիային այս խոսքերն ասվեցին մեծ փոփոխության ժամանակաշրջանում. պաշտամունքը դարձել էր մակերեսային, քանզի մարդիկ իրենց «մնացորդներն» էին տալիս Աստծուն:

Աստծո բարոյական օրենքն անտեսվում էր, հատկապես ամուսնության հարցում:

Ամուսնալուծությունն ազգային պատուհաս էր:

Տասանորդ Վճարելու Աստծո պատվիրանն անարգվում էր ի տնտեսական անբարենպաստություն ազգի: Ո՞չ քահանաները, ո՞չ մարդիկ լուրջ չեն ընդունում ահազմացող դատաստանը: Այդպիսի աշխարհում Աստված հիշեցնում ու զգուշացնում էր Իր ժողովրդին, որ Ինքը չի փոխվել:

Մենք պետք է նորոգենք մեր տեսիլքը

Մենք պետք է խանդավառ ու հստակ տեսիլք ունենանք այն մասին, ինչ Աստված մեզ կանչել է անելու և ինչպիսին որ պետք է լինենք: Ինչ-որ մեկն ասել է. «Եթե մեր հուշերն ավելի շատ են, քան երազանքները, կյանքն ավարտվել է»: Մենք պետք է իմանանք, թե ուր ենք գնում և ինչ ենք անելու:

Աստված Եսայիին ասաց. «Առաջինները մի՛ հիշեք. և հին բաները մի՛ մտարերեք: Սիս ես նոր բան եմ անում» (Եսայի 43:18-19):

Աստված նոր գաղափարների, նորարարության Աստված է: Նա փոփոխություն իրագործող Աստված է: Պետք է աղորենք նոր տեսիլքի համար: Մենք պետք է փափագենք այն, ինչ Աստված կարող է անել:

Եթե ուզում եմ տիսրել, ապա ընդամենք պետք է ինքս իմ մեջ նայեմ: Եթե ուզում եմ հաղթվել, ընդամենք պետք է ետ նայեմ: Եթե ուզում եմ շեղվել, ընդամենք պետք է շուրջս նայեմ: Եթե ուզում եմ տագնապել, ընդամենք պետք է առաջ նայեմ: Եթե ուզում եմ փրկվել, ինձ պետք է վեր նայել: Միայն այն ժամանակ, եթե ուշադրությունս հառեմ Տիրո-

ջը, արգելքները կվերածվեն հնարավորությունների, իսկ պատճեշները՝ օրինությունների:

Դասեր, որ կարող ենք քաղել Մովսեսից.

«Հավատով նա Եգիպտոսը թողեց, չվախենալով թագավորի բարկությունից, Անտեսանելուն տեսնողի պես համբերեց» (Երք. 11:27):

Մովսեսի աչքերն Աստծուն էին նայում, և նա համբերեց: Մովսեսն աննկուն ուժ ուներ՝ հակառակ բոլոր փոփոխությունների: Նա հայացքն Աստծուն էր դարձրել, ոչ թե խոչընդոտներին: Նա համբերում էր՝ չնայած Փարավոնի անարգաճրին: Նա տաճում էր երրայեցինների համառությունը, որոնք տրտնցում էին, զանգաւորում ու ընդվզում իր դեմ: Նա դիմանում էր իր սիրելինների՝ Մարիամի՝ քրոջ, Ահարոնի՝ եղբոր, և ընկերների՝ Դարձանի ու Արիոնի քննադատություններին: Նա կարողանում էր դա անել, որովհետև հայացքն ուղղել էր Տիրոջը, և երբեք ետ չէր նայում:

Մենք եւս կարող ենք փոխել աշխարհը

Երբ թվում է, թե հակառակորդը բարգավաճում է, երբ չարը կարծես հաղթանակում է, երբ ճնշումը ահազնանում է, երբ քննադատներն ավելի ու ավելի ակտիվանում են, երբ զգում ենք, որ մեն-մենակ ենք, երբ սխալը թագավորում է, իսկ ճշմարտությունը գոյամարտ մղում... ինչի էլ բախվենք. մեզ հարկավոր է նայել Տեր Հիսուսին: Փոփոխությունը Նրա հետ է գալիս:

Աստված դեռևս օգտագործում է Իրեն լիովին նվիրված սովորական մարդկանց անկայուն աշխարհում փոփոխություն մտցնելու համար:

Կյանքը հուզառատ է դառնում, երբ ամեն բան Աստծուն ենք տալիս: Եվ երբ այդ անենք, Աստված մեզ կտանի հեռուներ, որ մեր կարծիքով երբեք չէինք կարող զնալ, անել բաներ, որ մեր կարծիքով երբեք չէինք կարող անել իր հավիտենական փառքի համար:

Դոկտ. Չեսլով Բասսարա
(czeslaw7@eta.pl, www.proword.eu)

ՄԵԾ ԽՈՐԻՈՒՐԴԸ

Ա ՏԻՄՈԹԵԿՈ 3:16

Յորաքանչյուր տարի հունվարի 6-ին կամ դեկտ. 25-ին իրար ողունում ենք՝ ասելով. «Քրիստոս ծնվեց և հայտնվեց»: Հիսուսի ծնունդի մեջ հայտնության խորհուրդը կա: Աստված Հիսուսի ծնունդով հայտնվեց: Նա Ինքն իրեն տարբեր կերպերով հայտնել է բնության, մարդու խոհճի, ազգերի պատմության, Իր Խոսքի՝ Աստվածաշրջի մեջ: Իսկ ամենակարևոր հայտնությունը Քրիստոսով է եղել: Այսօր խոսելու ենք բնության և Նրա Խոսքի միջոցով հայտնվելու մասին:

Աստված Ինքն իրեն հայտնել է բնության մեջ: Սաղմոսերգիշը փառաբանում է Աստծուն Նրա մատների գործերի համար. «Երկինքները հայտարարում են Աստծո փառքը»: Այս տիեզերքի, երկրի ստեղծումը մեր գիտությունից ու հասկանալու կարողությունից շատ ավելի վեր է, սակայն դժբախտությունն այն է, որ Աստված քեակետ բնության մեջ խոսում է մարդու հետ և Ինքն իրեն հայտնում է նրան, այդուհանդերձ մարդու մեղքով բքացած, խավարած սիրտն ու հոգին Աստծուն չի կարողանում տեսնել Նրա ձեռքերի գործերում: Առաքյալը Եփես. 4-րդ գլխում նկարագրում է մեղավորի միտքը, որ կուրացած է մեղքով, հոգին, սիրտը չեն տեսնում, թմրած են: Միայն նրան, ով ուզում է իմանալ ու տեսնել, Աստված հայտնում է Ինքն իրեն: Երկու օրինակ կա այս ուղղությամբ:

Տարիներ առաջ ամերիկացիները և ռուսները սկսեցին տիեզերք գրնալ: Ռուսաստանի կողմից աստղագետ գնաց մի քանի անգամ և ճամփորդություններից մեկի ժամանակ, երբ կապ էր հաստատել Երկրի հետ, ասաց. «Աստծո մասին լսել էի, երկրի վրա Նրան չտեսա, երկինք եկա, այնտեղ էլ Նա չկա: Որտե՞ղ է մարդկանց ասած Աստվածը»: Համայն աշխարհը լսեց այս ծանուցումը:

Դրանից քիչ ժամանակ անց Ամերիկայից մի հավատացյալ մեկնեց տիեզերք՝ իր հետ վերցնելով Աստվածաշունչը, և ասաց. «Աստծո մասին երկրի վրա լսել էի ականջով, գիտեի, բայց երբ երկինք եկա, աչքերովս տեսա, ձեռքերովս շոշափեցի Նրան»: Նա նաև կարդաց Սադ-

մոսաց Գրքից, և համայն աշխարհը լսեց: Ի՞նչ մեծ տարբերություն նա, ով ուզում է տեսնել, տեսնում է, բայց նա, ով իր աչքերը փակել է և տեսնել ու համոզվել չի ուզում, չի տեսնում: Այսօրվա մեղավոր մարդկությունը նույնն է անում աչքերը փակում է՝ Նրա գործը չտեսնելու համար:

Սիա՝ երկրորդ օրինակը: Երբ Հիսուսը ծնվեց, Բեթղեհեմի վրա մի աստղ երևաց: Միայն մոգերը եկան՝ Հիսուսին փնտրելու և այդ աստղի հայտնած լույսին ու ճշմարտությանը հետևելու: Սի՞թե այդ ժամանակ արևելքում աստղագետներ, երկնքի երեսը տեսնողներ չկային: Անշուշտ կային. ուրեմն ինչո՞ւ այս մոգերից բացի ուրիշները չեկան: Ի՞նչն էր պատճառը: Եկողների հոգիներն արթուն էին, նրանց աչքերը բաց էին. նրանք բնության մեջ տեսան Աստծուն, իմացան, ճանաչեցին, եկան և ասացին. «Ո՞ւր է այն Թագավորը, որ ծնվել է»: Իմաստունները տակավին փնտրում են Նրան: Իմաստուն է այն մարդը, ով փնտրում է ծնված Թագավորին: Խելացի է այն անձը, ով ասում է. «Ես ծնված Քրիստոսի կարիքն ունեմ: Որտե՞ղ է Նա»:

Աստված Ինքն իրեն հայտնում է նաև Իր Խոսքով: Նա երկու տեսակի Խոսք ունի: Մեկը Կենաց Խոսքն է՝ Հիսուս Քրիստոսը, մյուսը՝ գրավոր Խոսքը՝ Աստվածաշնչը: Աստվածաշնչի էջերը լի են Քրիստոսվ: Ծննդոցի առաջին գլխից մինչև Հայտնության վերջին գլուխը Հիսուսը ներկա է: Անհավատները, անաստվածները, Աստվածաշնչը բննադատել, հանցանք ու սխալ գտնել ուզողները ի՞նչ են գտել, ո՞ւ են գտել դրա էջերում. միայն Տիրոջն են գտել, միայն Տեր Հիսուսին են գտել, որ Աստծո հայտնությունն է:

Ուզո՞ւմ ես Աստծուն տեսնել, կարդա՛ Նրա Խոսքը: Ուզո՞ւմ ես Աստծո ձայնը լսել, կարդա՛ Նրա Խոսքը: Ուզո՞ւմ ես Աստծո ներկայությունը փայելել, կարդա՛ Նրա Խոսքը: Տեսնո՞ւմ ես, թե որքա՞ն բանկացին է, որքա՞ն սիրելի է, որքա՞ն քաղցր է:

Սիգուցե դու բնության մարդ չես, բայց քիչ թե շատ կարդալ գիտես: Աստծո Խոսքում գտե՞լ ես Աստծուն: Ամեն առավոտ Աստծո Խոսքը բացելով՝ տեսնո՞ւմ ես Նրան այնտեղ: Երբեմն մեր տներում ալբոմներ ենք նայում, մեզ ծանոք դեմքերը մեր աչքերի առջև են զալիս և նորոգվում են մեր սրտերում ու մտքերում: Երբ ամեն առավոտ Աստվածա-

շունչը բացես՝ կարդալու, կարո՞ղ ես տեսնել Տիրոջը: Նա Ինքն իրեն հայտնո՞ւմ է քեզ, նորոգո՞ւմ է քեզ: Եթե մինչև հիմա այդպես չէիր մոտեցել Աստծո Խոսքին, սրանից հետո փորձի՛ր, աղոթի՛ր, որ Տերն ամեն օրվա Իր Խոսքի էջում Ինքն իրեն հայտնի քեզ:

Վեր.՝ Հապիա Ալաճաճի

Տերն իմ հովիվն է

Սաղմոս 23

Մքանչելի սաղմոս է Սաղմոս 23-ը: Եթե սերտենք միայն առաջին համարի առաջին նախադասությունը՝ «Տերն իմ հովիվն է», կարող ենք երեք անգամ կրկնել՝ յուրաքանչյուր անգամ շեշտը մեկ բարի վրա դնելով:

Տերն իմ հովիվն է: Ո՞վ է իմ հովիվը՝ Տերը, հզոր Աստված: Ուրիշ գլուխմերում նույնական կարդում ենք. «Տերն իմ ամրոցն է, փրկությունն է, լույսն է, զորությունն է, պաշտպանն է»: Ի՞նչ սքանչելի է այսպիսի Տեր ունենալը և «Տերն իմ հովիվն է» ասելը:

Տերն **ԻՄ** հովիվն է: Յուրաքանչյուր պետք է որ այդ անձնական փորձառությունն ունենա Տիրոջ հետ: Երբ կարողանաս ասել այդ նախադասությունը, ուրեմն քո և Տիրոջ միջև հարաբերություն, կապ է ստեղծվել և անձնականի վերածելով՝ կարող ես ասել. «Տերն **ԻՄ** հովիվն է»:

Տերն իմ **ՅՈՎԻԿՆ** է: Այդ հովիվը երբեք չի քողնի մեզ: Հովի. 10:11-ը ասում է, որ հովիվը կյանքն իր ոչխարների համար կտա: Երբ քննելու դժվարություն եմ ունեցել, պատահել է, որ մտքով սլացել եմ հովիվների դաշտը՝ Բերլեհեմ, ուր մի քարայր կա, և փորձել եմ դաշտի ոչխարներին մեկիկ առ մեկիկ քարայր մտցնել, մինչև քննես: Իսկ երբ արթնացել եմ խորհուրդներով, փառաքանություն եմ սկսել և շատ չանցած՝ քննել եմ:

Ավստրալիայի Սիդնեյ քաղաքում մի հսկայական եկեղեցի կա, որի գավթում ամեն տարի նոր գրություն է դրվում: Եթե գնացի, հետևյալն էր գրված: «Իմաստունները, մոգերը Հիսուսի մոտ եկան և տակավին հեռու են մնում»: Ուրիշ տարի հետևյալն էր գրված: «Դժվարություն ունե՞ս քննելու, ոչխար մի՛ հաշվիր, հովվի հետ խոսի՛ր»: Եթե դու կարողանաս ասել՝ Տերն իմ հովիվն է, իրականության մեջ կկարողանաս քաջ կերպով ասել՝ ես ոչ մի բանի կարոտություն չեմ ունենա: Հովիվը սիրում է քեզ, խնամում է քեզ, պաշտպանում է, հայրայրում է քո կարիքները, դժվարությունների դեմ Ինքն է կանգնում: Հովիվը կանգնում է քո թիկունքին ու պաշտպանում քեզ, եթե բան է պատահում, ու վիրավորվում ես, գրկում է քեզ, երբ պատահի, որ կորչես, հովիվը կինուրի քեզ, մինչև գտնի: Այսպիսի օրինյալ Տեր, հովիվ ունենալը մեծ հարստություն է:

44 տարի հովվական առաքելությանս և քարոզությանս ընթացքում հավատացած եմ, որ Տերն իմ կարիքները միշտ հոգալու է. Նա երբեք չի լրել ինձ:

Տարիներ առաջ նյութական նեղության միջով էի անցնում: Տղաս՝ Փոլը, մանուկ էր, կողակիցս՝ Նոյեմին, շաբաթ օրը դրամ ուզեց, որ կիրակի օրվա համար գնումներ կատարի և տղայիս համար կաթ գնի: Ասացի:

- Նոյեմի՛, դրամ չկա, բայց կարող ենք աղոթել և ծոմ պահել:

Սի կարևոր այցելություն ունեի և որովհետև կիրակի օրվա համար իինգ քարոզ պետք է պատրաստեի, Նոյեմին խնդրեցի, որ նա հանձն առնի այդ այցելությունը: Այդ պահին մի քույր եկավ, որ Եզիպտոսից Լիքանան էր եկել՝ ինձ այցելելու: Նա մոտեցավ Փոլի անկողնուն ու նրա բարձի տակ ինչ-որ բան դրեց: Գնալուց հետո բարձի տակից մի ծրար հանեցի՝ մեջը գումար կար, որ մեր մեկ ամսվա կարիքները կարող էր հոգալ: Եթե Նոյեմին վերադարձավ, բացականչեցի.

- Տերը հայրայքեց:

Հիմա եթե խորհում եմ ու ետ նայում, ասում եմ. «Ո՛վ Տեր, ի՛նչ սքանչելի ես, հայթայքող ու կարիքները լրացնող»: Եթե հավատքով ես ապրում, իսկապես կարող ես ասել՝ Տերն է իմ Հովիվը: Նա քո կարիքները

լիովի կլրացնի: Չկա որևէ քան, որ Նա չգիտի. Տերը մեր բոլոր կարիքները գիտի և հավատարիմ է՝ ամենօրյա մեր կարիքները հոգալու: Տերը, որ քո Հովհանն է, առաջնորդում է քեզ, սովորեցնում է, ցույց է տալիս քո ճամփան, քեզ հետ է լինում, երբեք քեզ չի լրում: Դու Նրա ձեռքում ես: Որքան փառք տաս, քիչ է:

Նա գիտի, քեզ որտեղ են խոտավետ արտաները, այնտեղ է առաջնորդում քեզ, տանում է քեզ դեպի հանդարտ ջրերը, որ ծարավդ հագեցնես, ամեն օր նորոգում է հոգիդ, առաջնորդում է քեզ արդարության մեջ Իր անվան համար:

Թեև մահվան շուրջ ձորում էլ լինեմ, շարից չեմ վախենա, քանի որ կարող եմ ասել. «Տերն իմ հովհանն է»: Նրա ցուան ու գավազանը մխիթարում են ինձ, երբեմն նաև ծեծում են, բայց մխիթարություն է: Թող Տերն Իր գավազանը ինձ վրա գործադրի, որովհետև Նրա գավազանն օրինություն է ոչ միայն ծեծելու, այլև առաջնորդելու:

Նա սեղան է պատրաստում իմ առջև թշնամիներիս դիմաց: Հակառակորդները շատ են, ամեն տեսակ փոթորիկներ են գալու, բայց երբ կարողանաս ասել՝ Տերն իմ հովհանն է, Նա թշնամիների առջև քեզ համար սեղան կապատրաստի: Նա իմ գլուխը յուղով է օծում: Տիրոջը միշտ այսպես եմ աղորել. «Ինչ ուզում ես վերցրո՛ ինձանից, ինչ կուզես, կտամ, միայն օծությունը մի՛ վերցրո՛ ինձանից»: Օծությունից բացի որիշ քանի կարիք չունես: Նա իմ գլուխը յուղով է օծում, բաժակս շատ լիքն է: Երբ Տերն է քո Հովհանը, բաժակդ միշտ լիքն է:

Իսկապես բարերարությունը ու ողորմությունը ինձ հետ են գալու: Որքա՞ն՝ կյանքիս բոլոր օրերում: Այսպիսի Տերը, հովհանը բնակարան ունի, քեզ տանելու է այնտեղ, որտեղ Ինքն է ապրում, քեզ տանելու է Իր մոտ, ու հավիտյան հավիտենից Նրա հետ ես լինելու:

Վեր.՝ Սամուել Տոքքորյան
Քաղված՝ «Հատրնտիր հոգևոր պատգամներ» գրքից



Վարպետ ժամագործը

Տարիներ առաջ Եվրոպայի մի փոքր գյուղաքաղաքի բնակիչները որոշեցին ժամացույց ունենալ կենտրոնական հրապարակի վրա, որի զանգը ամբողջ շրջանին լսելի լիներ: Ուստի գյուղացիներն անվանի վարպետ ժամագործ վարձեցին հեռավոր մի քաղաքից, որ այս ժամացույցը պատրաստի: Այս արհեստավորն այնպիսի հիանալի ժամացույց պատրաստեց, որի երաժշտությունը լսվում էր ամեն ժամ, և արձանիկները պարում էին եղանակի համեմատ:

Սակայն մինչ տարիներն անցան, ժամացույցը սկսեց փշանալ, և մի օր էլ դադարեց աշխատելուց: Ոչ ոք չկիտեր այն նորոգելու ձևը: Տրխություն պատեց ամբողջ գյուղաքաղաքին: Ապա քաղաքավետը գաղափար ունեցավ՝ թերևս կարողանան գտնել ժամագործին, որի ձեռքի գործն էր այս վաղեմի գրությունը:

Եվ գտան մարդուն, որ հիմա ճերմակ մազերով կորացած ծերունի էր: Նա ավելի քան քսան էր, ինչ չէր կատարում այդ գործը, սակայն համաձայնեց ետ գալ գյուղաքաղաք և փորձել նորոգել իր ստեղծագործած ժամացույցը: Բնակիչներն օգնեցին տկարակազմ վարպետին, որ մտնի ժամացույցի ներքին սրահը և սպասեցին դուրս՝ հուսալով, որ նրան կհաջողվի նորոգել այն: Անցավ մեկ ժամ, երկու, և հանկարծ ժամացույցը սկսեց աշխատել, հովտում հնչեց երաժշտությունը, և արձանիկները սկսեցին պարել: Ամեն մարդ շատ ուրախ էր:

Այս պատմությունը բոլորիս է վերաբերում, մինչ թևակոխում ենք Նոր տարին, եթե հարցեր ու դժվարություններ կունենաք առաջիկա օրերի և ամիսների ընթացքում: Անկասկած կլինեն այդպիսի պարագաներ: Ուստի այս պատմությունը կօգնի, որ դիմենք մեր Ստեղծիչին, ով կարող է օգնել մեզ՝ դրանք լուծելու:

Ինչպես միայն ժամագործը կարողացավ իր հնարած ժամացույցը նորոգել, նույնպես էլ մեր Արարիշը՝ Աստված, որ մեզ ամեն կողմից գիտի, կարող է մեր ընթացքը շտկել, որպեսզի կարողանանք ուրախությամբ ապրել Նրա շնորհով ու Նրա փառքի համար:

«Տեք, չգիտենք՝ ապագան ինչ է վերապահել մեզ, բայց գիտենք, որ Դու գիտես և դա քաջալերում է մեզ»:

«Օ՛, Աստծո իմաստության և գիտության անհուն հարստություն, ի՞նչ անզննելի են Նրա դատաստանները, և անհայտնաբերելի՝ Նրա ճամփանները» (Հռոմ. 11:33):

Քաղված՝ ՈՒիթԱրամ Դավիթյանի
«Բարեպատուղ ձիթենին» գրքից

Քրիստոնյաներին համայն աշխարհի

1. Ավետարանիչ Ղուկասի գրքում
Ճշմարտությունով ու կարգով գրված,
Հերթականությամբ յոթերորդ գլխում
Այսպիսի դեպք կա նկարագրված:
2. Ասում է՝ Նային կոչվող քաղաքից
Դուրս էին բերում մի որբենայրու,
Սեռած մինուճար որդուն կողակից.
Եվ սուզը մեծ էր սևասիրտ այրու:
3. Ու սրտաճմլիկ ողբը թշվառ մոր
Հուզել էր խոշոր թափորը մահվան,
Անտարբեր չէին նույնիսկ սար ու ձոր՝
Տեսնելու թախիծն դառն ու դաժան:
4. Այս պատմությունը լավ ավարտ ունի՝
Ի պատիվ ու փառք մեր Տեր Հիսուսի:
Դժվարամարս է, ով հավատք չունի,
Հարության լուրջ՝ հրաշքն այսպիսի:

5. Կորնթացիներին գրված նամակում
Առաջալներից Պողոսը հանճարեղ
Զարմանում է ու հանդիմանում՝
Բաժանումներն անիմաստ, տղեղ:
6. Ես Պողոսյան եմ կամ Ապողոսյան,
Իսկ ես՝ Քրիստոսյան, ժառանգորդ գահի
Ես Կեփասյան, ես Փիլիպոսյան
Դե՛ արի սրանց դու միտքդ պահի:
7. Ու այս ցուցակը առանձին ճառով
Զափից դուրս մեծ է, քան ես քվեցի:
Կփորձեմ պատմել, թե ինչ պատճառով
Նային քաղաքից Կորնթոս չվեցի:
8. Պատկերացնում եմ այն թշվառ այրուն՝
Հանդիպած ոչ թե Որդու հետ Աստծո,
Այլ Կեփասյաններն են մխիթարում,
Կամ մյուսները՝ խոսքերով կծու:
9. Մեկը՝ թե, մայրիկ, շատ դարդ մի՛ անի,
Տղադ ետ կգա աշխարհիքի վերջին,
Դու գլխավորը՝ շաբաթը պահի
Ու տասանորդ թեր մի փոքր, չնչին:
10. Մյուսը հանդուզն, չափից դուրս գոռող,
Խոսում է գրքից ու Տիրոջ վախեն,
ու մեջ է թերում Մատթևոս, Մարկոս,
Թե մեռելները բող որդուդ թաղեն:
11. Հաջորդը՝ հպատ իր գիտությունով,
Թշվառ մայրիկին հարցում է անում,



Թե փրկվո՞ւմ ենք մկրտությունով,
Կամ ո՞րն է Աստծո գլխավոր անունը:

12. Մեկն էլ ասում Է՝ առանց նոր լեզվի
Չես կարող լինել դու մեր նման սուրբ,
Իսկ որդուդ համար դու շատ մի նեղվիր,
Արի՛, հետևիք մեր ուսմունքին նուրբ:
13. Սխիթարիչներից ձանձրալի, շինծու,
Հոր նահապետը հոգնեց, գանգատվեց.
Ի՞նչ երջանիկ էր այն կինն նայինցի,
Որ իր ողբի մեջ Տիրոջը հանդիպեց:
14. Քրիստոնյանե՛ր, համայն աշխարհի,
Թո՞ն Աստված պահի ձեր զավակներին,
Կարոտ չէ մեռելլ ոչ մի ուսմունքի,
Հերիք է գովեք ձեր բանակներին:
15. Մեռած որդիքը նայինցի կնոջ
Նախ պետք է Աստծուց նոր կյանք ստանան,
Արյամք մաքրվեն մեր Փրկիչ Տիրոջ,
Վերքերով Նրա, որ առողջանան:
16. Ուստի, երբ որ դուք հանդիպեք հանկարծ,
Նայինցի կնոջ մեռած բալեքին,
Իսկ նրանք շատ են, եղեք աչքաբաց,
Տիրոջ մոտ բերեք նրանց ամենքին:

Գառնիկ Արքյան
«Պոեմս Դու ես ՀԻՍՈՒՏ» գրքից